

A E rebellion di e pueblo (Salmo 78).

- ❖ Segun òrdu di David, Asaf a wòrdu skohé for di entre e Levitanan komo direktor di koro (1Kro. 15:1-4, 16-17; 16:4-5, 37). E i su yiunan hòmber tabata profetanan i a komponé salmonan (1Kro. 25:1). Den Salmo 78, Asaf ta rekòrdá historia for di e Eksodo te na e dianan di David, ku intenshon pa siña nos lèsnan importante (Salmo. 78:2).
- ❖ E intenshon di e Salmo ta pa nos kòrda kon Dios a guia Su pueblo, i ta meresé nos alabansa. Nos mester sins esaki na nos yiunan asina ku nan lo no ta rebelde manera nan antepasadonan tabata (Salmo 78:1-8).
- ❖ Dios a manda plaganan na Egipto, a dividi e laman, dirigí nan ku un nubia di dia i kandela den anochi, i a saka awa for di e baranka E pueblo no a kere ku Dios lo por duna nan karni i pan. Apesar di nan rebelionnan, E no a destruí (Salmo 78:9-54).
- ❖ Nan a wòrdu stablesé na Kanaan pasombra Dios a deportá su habitantenan. Pero nan a rebeldiá, i Dios a entregá nan na e poder di nan enemigunan (Salmo 78:55-64).
- ❖ Finalmente, Dios a lanta pa libra Su pueblo atrobe dor di David El a yama un wardadó pa guia(pastoriá) Su pueblo. El a pone e septer den Juda su man i a skohe Jerusalèm komo su kapital. Apesar di e rebelion, Dios tabata fiel e tempu ei i ta keda fiel awe (Salmo 78:65-72).

B Dios Su akshon (Salmo 105).

- ❖ Den Salmo 105 no tin menshon di erornan humano. Dios Su akshon(presentashon) milagroso ta wòrdu eksaltá for di e promesa hasí na Abraham pa eredá Kanaan, te na esaki su kumplimentu p(Salmo. 105:11, 44).
 - Dios a sera un aliansa ku Abraham, Isaak I Jakòb (v. 8-11)
 - El a protehá nan mientras nan tabata débil (v. 12-15)
 - El a salba Israel for di hamber dor di Jose (v. 16-24)
 - Ora ku nan a wòrdu sklabisá, El a manda Moisés i a kastigá Egipto (v. 25-38)
 - El a guia Israel dor di e desierto na e tera di Kanaan (v. 39-44)
- ❖ Ora nos ta kòrda e relato(storia):
 - Nos lo alaba Dios i papia di Su maraviyanan (v. 1-2)
 - Nos lo gloria i ta kontentu den Dios (v. 105:3)
 - Nos lo buska Dios (v. 105:4)
 - Nos lo ta konsiente di Dios Su huisionan (v. 105:5-7)
 - Nos lo warda Su mandamentunan (v. 105:45)

C Repentimentu (Salmo 106).

- ❖ Salmo 106 ta repasá e historia aki, enfatisando ku kada bia ku Israel a peka, nan a sufri e konsekuensianan, pero nan a wòrdu suavisá dor di grasia divino (Salmo 106:7-8). Dios a pordoná nan, i nan a regresá pa obedes'Ele ... pa un tempu (Salmo. 106:12-13).
- ❖ E interseshon di Moisés i Finees ta wòrdu hasí notabel, kual ta tiponan di Hesus Su interseshon pa nos (Salmo. 106:23, 28-31).
- ❖ Pero Dios Su pasenshi tin un límite. Ora ku e pueblo a bai mas leu, El a duna nan over na koutiverio. Sinembargo, asta den koutiverio, Dios a mostra Su miserikòrdia (Salmo. 106:39-46).
- ❖ Historia ta duna nos konfiansa ku nos por pidi Dios pa pordon, i risibí liberashon for di djÉ. E ora ei nos lo alab'É pa eternidat (Salmo. 106:47-48).

D E kara di Dios ta lombra(briya) (Salmo 80).

- ❖ Den e buki di Salmonan, nos ta haña un salmo masha speshal: Salmo 80, e salmo-komparashon.
- ❖ Israel ta wòrdu kompará ku un kunuku di wendruif ku Dios a saka for di Egipto, a plant'é den Kanaan, i a hasié krese for di e Mediteraneo te na e Riu Eufrates (Salmo. 80:8-11).
- ❖ Pero Dios a permití e kunuku di wendruif pa wòrdu neglighá, i Su enemigunan pa drent'é pa destrui esaki (Salmo (Ps. 80:12-13).
- ❖ Pa e motibu aki, e salmista ta pidi e “Wardadó di Israel” pa lanta e salba (Salmo 80:1-2). E ta sigur ku Dios lo tend'é, i lo hasi Su kara resplandesé riba Su kunuku di wendruif desolá (Salmo. 80:3, 7, 14, 19).
- ❖ Resplandesé Su kara? Kiko esaki ta nifiká?
- ❖ Dios Su kara ta resplandesé(briya) pa nos ora ku E mostra nos Su miserikòrdia i ta duna nos pas (Num. 6:24-26).

E Señor di historia (Salmo 135).

- ❖ Nos ta alabá Dios pa Su bondat i poder (Salmo 135:1-5).
- ❖ Kon Dios a mostra Su bondat i poder?
 - Den Kreashon (Salmo 135:6-7)
 - Na e tempu di e Eksodo (Salmo 135:8-9)
 - Den e konkista di Kanaan (Salmo 135:10-12)
- ❖ Nos ta alabá Dios pasombra E lo huzga nos ku miserikòrdia (Salmo. 135:13-14)
- ❖ Pasombra Dios Su poder den kreashon i historia ta sin igual(e no tin su paralèl) den e mundu, Dios Su pueblo mester semper dependé riba djÉ i adorá E so. Komo nos Kreador i nos Redentor, E so mester wòrdu adorá.